АЖРИМ

(даъво аризани кўрмасдан қолдириш тўгрисида)

Гузор тумани

2024 йил 17 май

Гузор туманлараро иқтисодий судининг судьяси А.Арзиев раислигида, судья ёрдамчиси Б.С.Шамсиддиновнинг котиблигида, Гузор туман Фермер, деҳқон хўжаликлари ва томорқа ер эгалари кенгаши даъвогар "Бегат Норқул" фермер хўжалиги манфаатида жавобгар "Китоб ип йигирув" АЖга нисбатан берган даъво аризаси бўйича ишни кенгаш вакили Л.Мейлиев (ишончнома асосида), даъвогар раҳбари М.Бегатовлар иштирокида Гузор туман Солик инспекцияси биносида ўтказилган очиқ сайёр суд мажлисида кўриб чиқиб, қуйидагиларни

аниклади:

Гузор туман Фермер, деҳқон ҳўжаликлари ва томорқа ер эгалари кенгаши даъвогар "Бегат Норкул" фермер ҳўжалиги манфаатида (бундан буён матнда даъвогар) иқтисодий судга даъво аризаси билан мурожаат қилиб, "Китоб ип йигирув" АЖдан (бундан буён матнда жавобгар) 2021 йилда топширилган пахта хом-ашёсига 1,15 фоиз ҳисобланган 67.550.851 сўм коэффицент ҳақдорликни ундиришни сўраган.

Жавобгар вакиллари суд мажлиси вакти ва жойи тўгрисида тегишли тартибда хабардор этилишига қарамасдан суд мажлисига келмаган.

Суд, Ўзбекистон Республикаси Иқтисодий процессуал кодексининг (бундан буён матнда ИПК) 128, 170-моддаларига асосан ишни жавобгар вакилларининг иштирокисиз кўриб чикишни лозим деб топди.

Суд мажлисида иштирок этган даъвогар вакиллари ўз кўрсатмасида, тарафлар ўртасида пахта хом ашёси ва уруғлик пахта харид қилиш шартномаси тузилганлигини, даъвогар шартномага асосан жавобгарга пахта хом ашёсини топширганлигини, ушбу топширилган пахта хом ашёси учун жавобгар томонидан 1.15 фоиз коэффицентлик тўлов тўлаб берилмаганлигини, шу сабабли даъво аризасини қаноатлантириб беришни сўради.

Суд ишда иштирок этган шахсларнинг тушунтиришларини эшитиб, ишдаги хужжатларни ўрганиб, мухокама қилиб, тўпланган далилларга хукуқий бахо бериб, даъвони кўрмасдан қолдиришни лозим топади.

Суд мажлисида аниқланишича Ғузор туманлараро иқтисодий судининг 2024 йил 8 май кунидаги 4-1803-2401/443-сонли ажрими билан жавобгар "Китоб ип йигирув" АЖга нисбатан тўловга қобилиятсизлик тўғрисида иш қўзғатилган.

Ўзбекистон Республикаси Иқтисодий процессуал кодекси (бундан буён матнда ИПК деб юритилади)нинг 107-моддаси биринчи қисмининг 9-бандига кўра, жавобгарга нисбатан банкротлик тўғрисида иш қўзғатилган бўлса ва жавобгарга нисбатан такдим этилган талаб қонунга кўра банкротлик тўғрисидаги иш доирасида кўрилиши лозим бўлса, суд даъво аризани кўрмасдан қолдириши белгиланган.

Кенгаш даъвогар манфаатида судга мурожаат қилинганлиги сабабли Давлат божи тўгрисидаги Қонуннинг 9-моддаси 18-бандига асосан ушбу даъволар юзасидан даъвогар давлат божидан озод этилганлигини инобатга олиш лозим бўлади.

Қайд этилганларга кўра суд, даъво аризани кўрмасдан қолдиришни, олдиндан тўлаб чиқилган 34.000 сўм почта харажатини даъвогарнинг зиммасида қолдиришни, даъвогар давлат божидан тўлашдан озод бўлганлиги сабабли давлат божи ундирмасликни лозим топди.

Бинобарин, Ўзбекистон Республикаси ИПК 107-моддаси биринчи қисмининг 9-бандини, 195 ва 196-моддаларини, қўллаб, суд

ажрим килди:

Гузор туман Фермер, деҳқон ҳўжаликлари ва томорқа ер эгалари кенгаши даъвогар "Бегат Норқул" фермер ҳўжалиги манфаатида жавобгар "Китоб ип йигирув" АЖдан 2021 йилда топширилган паҳта ҳом-ашёсига 1,15 фоиз ҳисобланган 67.550.851 сўм коэффицент ҳақдорликни ундириш тўғрисидаги даъво аризаси кўрмасдан қолдирилсин.

Ажрим устидан бир ойлик муддатда шу суд орқали вилоят судининг иқтисодий ишлар буйича судлов ҳайъатига апелляция тартибида ёки қонуний кучга кирган ва апелляция тартибида курилмаган ҳал қилув ҳарори устидан у ҳонуний кучга кирган кундан эътиборан белгиланган тартибда кассация тартибида шикоят бериш (протест келтириш) мумкин.

Судья А.Арзиев

